

Kanatami Inutquaqhiutikhainik Upalungaijautit: Mikhijuumiqtut ikajuutikkut akiit

- Kanadami Havaguiqtut Upalungaijautit (CPP) tungaviluanga Kanatap havaguiqtut manikhaakhait auladjutait, tunihijut ihuaqtumik imaalu ihumagijaujut inutquaqhiutit uumunga millian uvani Kanatamiunun.
- CPP-ngujuq maniqaitaujuq ikajuqtuutainit havaktut, havaktitijunit, inmiguuqtunilu havaktunit, manikhaanit maniliuqhimajainit CPP-mit manikhaqhiurutinit. Pidjutigijaat tamavjaita havaktut Kanadami, kihimi Quebecmiungituq, kitut aulapkaijut nanminqaqtuq tamatkiumajumik upalungaijautinik, una Québec Havaguiqtut Upalungaijautit (QPP).
- Kanadap Ministangit Kiinaujaliqijitkut, munaqtiuplutik CPP-mik, pijariaqaqtut ihivriuqtakhat upalungaijautikhat pingahut ukiut naaraikpata manikhanut ihuariakhanik imaatullu ihuaqtumik ihariahuutainut havaktit, havagviit, nunataaqhimajullu.
- Una 32ngujuq Akiluangit Uniudjutait haffumunga CPPmun, uqautaujuq uvani Kanadap Maligaliurviani uvani Ubluiqtirvia 8, 2025, tautungnaqtuq mikinikhaq ikajuutikkut akia uvani tungaviani CPPmi—akikitqiaq akia pijariaqaqtuq maniktigut pihimajaangani upalungaijautit avatqumajumi 75 ukiut—imaa 69 naamaqutaujunik akikitqiaq maligaliqinikkut akianin.
- Tamainnit ikajuqtauplutik aviktuqhimanirnin ukiuqtaqtuninlu paannariiktunin, kavamatuqatkut uqaqtut uvani *Upinngami Maniliungnikkut Nutaanguqtirut 2026* piniaqhimadjutaa pipkainikkut maligakhamik mikhilaaqtirnikkut tuninikkut akiinnik uvani tunngavigijaujumi CPP-mi talvannga 9.9%min uvunga 9.5%mun, atulirluni Ubluqtuhinia 1, 2027mi.
- Una 40-naamaqutaujunik akikhijuumirut haffumunga CPP ikajuutainun akia pidjutiqangniaqtuq ukiumi ilipqamalutik imaavjak \$133 havaktimun akiliuhiaqtumun \$70,000 attauhiq ukiuq, aadjikutaanik ilipqamajuq havakvikmingnun.
- Talvuuna 16 milian aituihimaqtunik, una uuktuutikhaq ikiklijumiqtitinaqtuq atautimiitun ikajuutikhanik taima avatqumajumik \$3 bilian tallamik ukiuk tamaat Kanadami.
- Ilipqamajaujut ikajuutauniaqtut Kanadamiut aulahimaqtumik akiliruminaqtunik ajuqhautinik akitujut ihariagijaujut hunat, iglut, ubluq tamaallu akiligakhat.
- Una aalanguqtirniq pijauhijaujuq pihimablugu hivitujumik-kikliqaqtuq ihuangnikhaa upalungaijautip imaalu pihimablugu ihuangnikkut maniliqinikkut tutquumadjutit munarijaangani CPP hivungani maniliurnikkut ajuqhautit uvaluuniin qajangnautit.